

**KJKP "RAD" d.o.o. SARAJEVO
-VD DIREKTOR-**

**Broj: 05-03-04- /21
Sarajevo, 19.01.2021. godine**

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor donosi

**ODLUKU
o izboru najpovoljnijeg ponuđača za nabavku soli za posipanje saobraćajnica
(refuzne)**

I

Kao najpovoljnijeg ponuđača za nabavku soli za posipanje saobraćajnica (refuzne), odabiram ponudu ponuđača „BOM IMPEKS“ d.o.o. Banja Luka.

II

Odluka stupa na snagu danom donošenja.

OBRAZLOŽENJE

KJKP "RAD" d.o.o. Sarajevo je dana 03.12.2020. godine na portalu javnih nabavki BiH objavilo Obavještenje o nabavci kroz otvoreni postupak sa međunarodnom objavom obavještenja za izbor najpovoljnijeg ponuđača za nabavku soli za posipanje saobraćajnica (refuzne), sa rokom dostave ponuda do 13.01.2021. godine.

Po otvorenom postupku za nabavku pristigle su tri (3) ponude i to ponude ponuđača „MACOT SOL“ d.o.o. Mostar, „BOM IMPEKS“ d.o.o. Banja Luka i „LEGEND“ d.o.o. Istočno Sarajevo.

Komisija za nabavku u toku provođenja otvorenog postupka i nakon detaljnog pregleda dostavljenih ponuda, utvrdila je sljedeće:

- Ponuđač „LEGEND“ d.o.o. Istočno Sarajevo nije u svojoj ponudi dostavio PS P2 Izvještaje o historiji računa poslovnog subjekta za svaki račun posebno, a što je traženo u pojašnjenjima Tenderske dokumentacije od 09.12.2020. godine. Također, iz bilansa uspjeha od 31.12.2018. godine koji je dostavljen u ponudi se vidi da je prihod ovog ponuđača manji od 500.000,00 KM iako je tačkom 13.1.b.) zahtjevano da ponuđači dostave bilanse uspjeha iz kojih se vidi da su ponuđači u posljednje tri (3) godine imali prihod od minimalno 500.000,00 KM. Dalje, u Izvještaju o inspekciji broj 880/20-A koji je dostavljen u ponudi ovog ponuđača nije navedena granulometrijska analiza za zrna ispod 0,4 mm iako je u Tehničkim uslovima zahtjevano da granulometrijski sastav soli, (u skladu sa tačkom 3.3.7.2.1.1. Smjernica za projektiranje, građenje, održavanje i nadzor na putovima- Knjiga III, dio 3: Zimska služba), bude ispitan prema standardu EN 933-1 i EN 933-2 i da mora biti takav da je zrna preko 4 mm max do 10%, zrna od 2 do 4 mm 15 do 40%, zrna od 0,4 do 2 mm 40 do 70% i zrna ispod 0,4 mm max 15%. Ovaj ponuđač također nije u cjelosti popunio Izjave o ispunjavanju uslova iz članova 45., 47. i 52.

Zakona o javnim nabavkama BiH kao ni Nacrte Okvirnog sporazuma i Ugovora, što su greške tehničke prirode.

Ponuda ovog ponuđača je ocijenjena kao nepoptuna i neprihvatljiva te nije uzeta u dalje razmatranje.

Ponude ponuđača „MACOT SOL“ d.o.o. Mostar i „BOM IMPEKS“ d.o.o. Banja Luka su ocijenjene kao potpune i prihvatljive, budući da su dostavili svu dokumentaciju traženu Tenderskom dokumentacijom.

Cijeneći činjenice koje je Komisija imala u vidu pri odabiru najpovoljnije ponude Komisija je utvrdila rang listu ponuda koje su ocijenjene kao potpune i prihvatljive prema kriteriju objavljenom u tenderskoj dokumentaciji.

Rang lista ponuđača:

1. „MACOT SOL“ d.o.o. Mostar
Cijena (496.000,00 KM)

2. „BOM IMPEKS“ d.o.o. Banja Luka
Cijena (498.800,00 KM)

Obzirom da se radi o otvorenom postupku nabavke sa međunarodnom objavom obavještenja, cijeneći budžet ugovornog organa određen za nabavku predmeta javne nabavke od strane Komisije utvrđeno je da je zadovoljena stvarna konkurencija i data je preporuka Ugovornom organu da provede E-aukciju dana 18.01.2021. godine, u skladu sa informacijama o procesu E-aukcije datim u Tenderskoj dokumentaciji.

Ugovorni organ je dana 15.01.2021. godine zakazao E-aukciju za dan 18.01.2021. godine. Nakon provedene E-aukcije, utvrđena je konačna rang lista ponuđača a u skladu sa Izvještajem o toku i završetku E-aukcije, koji je prilog ovog Zapisnika.

Konačna rang lista ponuđača:

1. „BOM IMPEKS“ d.o.o. Banja Luka
Cijena (391.300,00 KM)

2. „MACOT SOL“ d.o.o. Mostar
Cijena (391.800,00 KM)

Obzirom da se radi o otvorenom postupku javne nabavke za dostavu ponuda sa međunarodnom objavom Obavještenja kojim je predviđeno sklapanje Okvirnog sporazuma sa jednim ponuđačem i kojim je predviđena E-Aukcija, da je broj prihvatljivih ponuda dvije (2) i da je kriterij za odabir najpovoljnije ponude najniža cijena, cijeneći cijene, kretanja na tržištu i budžet ugovornog organa određen za nabavku predmeta javne nabavke a nakon održane E-Aukcije od strane Komisije utvrđeno je da je ponuda ponuđača „BOM IMPEKS“ d.o.o. Banja Luka najpovoljnija i potpuno prihvatljiva te data preporuka Ugovornom organu da ponudu ponuđača „BOM IMPEKS“ d.o.o. Banja Luka prihvati kao potpuno prihvatljivu, budući da je dostavio

svu potrebnu dokumentaciju traženu Tenderskom dokumentacijom i ponudio ukupnu cijenu od 391.300,00 KM bez uračunatog PDV-a sa ukupnim popustom od 21,55% nakon održane E-Aukcije.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

PRAVNA POUKA:

Protiv ove Odluke može se uložiti žalba Ugovornom organu, odnosno KJKP"RAD", u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka.

**v.d. DIREKTOR KJKP „RAD“
Mirsad Hošić, dipl. ing. maš.**

DOSTAVITI:

- Ponuđačima;
- a/a